

證治準繩

卷

證治準繩第三冊目錄

諸嘔逆門

嘔吐膈氣總論

嘔吐

瀉氣 走嘔 瀉清小 即嘔噎

走嘔

吐涎沫

乾嘔 嘔膿

惡心

嘔苦

吐酸吞酸

吐酸吞酸

吐酸吞酸

吐酸吞酸

吐酸吞酸

反胃

吐利

關格

噫氣

諸血門

諸見血證

九竅出血

毛孔出血

鼻衄

齒衄

吐血

霍亂

乾霍亂

呃逆

諸逆衝上

舌衄

耳衄

咳嗽血

咯血

下血

陽風  
中盛

廣毒

漫血

畜血



證治準繩第三冊

嘔吐膈氣總論

金壇王肯堂輯

潔古家珍吐證有三氣積寒也皆從三焦論之上焦在胃口上通於天氣主內而不出中焦在中脘上通天氣下通地氣主腐熟水穀下焦在臍下下通於地氣主出而不納是故上焦吐者皆從于氣氣者天之陽也其脉浮而洪其症食已暴吐渴欲飲水大便燥結氣上衝胸而發痛其治當降氣和中中焦吐者皆從於積有陰有陽食與氣相假爲積而痛其脉浮而弦其證或先痛而後吐或先吐而後痛法當以小毒藥去其積檳榔木香和其氣下焦吐者皆從於寒地道也其脉大而遲其證朝食暮吐暮食朝吐小便清利大便秘而不通治法宜毒藥通其閉塞溫其寒氣大便漸通復以中焦藥和之不令大腑秘結而自愈也 此事難知問嘔吐噦胃所主各有經乎答曰胃



者總司也內有太陽陽明少陽三經之別以其氣血多少而爲聲物有無之不同卽吐屬太陽有物無聲乃血病也有食入卽吐食已則吐食久則吐之別嘔屬陽明有物有聲氣血俱病也仲景云嘔多雖有陽明證不可下噦屬少陽無物有聲乃氣病也此以乾嘔爲噦也醫家大法食利則吐爲之嘔生薑半夏湯 食入則吐爲之暴吐生薑橘皮湯 食已則吐爲之嘔吐橘皮半夏湯 食久則吐爲之反胃水煮金花丸 食再則吐爲之翻胃易老紫沉丸 旦食不能暮食則吐食不下脉實而滑半夏生薑大黃湯下之 潔古論吐分三焦其說蓋本於黃帝所謂氣爲上膈食飲入而還出爲下膈食晬時乃反出之其上焦食已暴吐者今世謂之嘔吐也中下二焦食久而吐食再而吐者今世謂之膈氣反胃也分嘔吐膈氣爲二門 趙以德云夫陰陽氣血隨處有定分獨脾胃得之則法天地人而三才之道備故胃有上中下三脘上脘法天爲陽下脘法地爲陰中脘法氣交之

分陽清而陰濁故陽所司者氣陰所司者血然陽中亦有陰陰中亦有陽於是上脘氣多血少則體乾道之變化動也下脘血多氣少則體坤道之資生靜也中脘氣血相半故運上下動靜升降之氣行由是物之入胃各從其類聚水飲者物之清穀食者物之濁然清中有濁濁中有清故飲之清者必先上輸于司氣之肺而後四布爲津爲液清中之濁者則下輸膀胱爲便溺出焉食之清者亦必先淫精于司血之心肝以養筋骨經脉更化榮衛流注百骸濁中之濁者則自下脘變糟粕傳送下大腸出焉若邪在上脘之陽則氣停氣停則水積故飲之清濁混亂則爲痰爲飲爲涎爲唾變而成嘔邪在下脘之陰則血滯血滯則穀不消故食之清濁不分而爲噎塞爲痞滿爲痛爲脹變而成吐邪在中脘之氣交者盡有二脘之病是故嘔從氣病法天之陽動而有聲與飲俱出猶雷震必雨注也吐從血病法地之陰靜而無聲與食俱出家萬物之吐出于地也氣血俱病法陰陽之

氣交則嘔吐並作飲食皆出然在上脘非不吐食也設陽中之陰亦病則食入即吐不得納于胃也非若中脘之食已而後吐下脘之食久而方出下脘非不嘔也設陰中之陽亦病則吐與嘔齊作然嘔少于吐不若上脘之嘔多于吐也

嘔吐

瀉氣

走嘔

吐食

乾嘔

惡心

嘔苦

吐酸吞酸

嘔清水

吐涎沫

吐衄

東垣曰夫嘔吐噦者皆屬于胃胃者總司也以其氣血多少為異耳且如嘔者陽明也陽明多血多氣故有聲有物氣血俱病也仲景云嘔多雖有陽明症慎不可下孫真人曰嘔家多服生薑乃嘔吐之聖藥也氣逆者必散之故以生薑為主吐者太陽也太陽多血少氣故



有物無聲乃血病也有食入則吐有食已則吐以陳皮去白主之噦者少陽也少陽多氣少血故有聲無物乃氣病也以薑製半夏為主故朱奉議治嘔吐噦以生薑半夏陳皮之類是也究三者之源皆因脾胃氣虛弱或因寒氣客胃加之飲食所傷而致也宜以丁香藿香半夏茯苓陳皮生薑之類主之若但有內傷而有此疾宜察其虛實使內消之痰飲者必下之當分其經對證用藥不可亂也 金匱方諸嘔吐穀不得下者小半夏湯主之又云嘔家本渴渴者爲欲解今反不渴心下有支飲故也小半夏湯主之用半夏一升生薑半斤水七升煮取一升半分溫再服又云卒嘔吐心下痞有水眩悸者小半夏加茯苓湯主之卽前方加茯苓四兩也然則生薑半夏固通治嘔吐之正劑矣然東垣云辛藥生薑之類治嘔吐但治上焦氣壅表實之病若胃虛穀氣不行胸中閉塞而嘔者唯宜益胃推揚穀氣而已勿作表實用辛藥瀉之故服小半夏湯不愈者服大半夏湯立愈此仲

景心法也

寒而嘔吐則喜熱惡寒四肢淒清或先覺嘔酸脉弱小

而滑因胃虛傷寒飲食或傷寒汗下過多胃中虛冷所致當以剛壯

溫之宜二陳湯加丁香十粒或理中湯加枳實半錢或丁香吳茱萸

湯藿香安胃散鐵刷湯不効則溫中湯甚則附子理中湯或治中湯

加丁香並須冷服蓋冷遇冷則相入庶不吐出

羅謙甫云諸藥不愈者紅豆丸神効

有患人用附子理中湯四逆湯加丁香到口卽吐後去乾薑只參附

加丁木二香煎熟更磨入沉香立吐定蓋虛寒痰氣凝結丁附既溫

佐以沉香則通乾薑白朮則泥耳

熱嘔食少則出喜冷惡熱煩躁引飲脉數而洪宜二陳湯加黃連

炒梔子枇杷葉竹茹乾薑生薑入蘆根汁服 金匱方嘔而發熱者

小柴胡湯主之潔古用小柴胡湯加青黛以薑汁打糊丸名清鎮丸

治嘔吐脉弦頭痛蓋本諸此 胃熱而吐者聞穀氣卽嘔藥下亦嘔

或傷寒未解胸中有熱閉脉洪者是也並用蘆根汁 金匱方嘔吐

而病在膈上後思水解急與之思水者猪苓散主之 嘔而胸滿者  
吳茱萸湯主之 嘔而渴煮枇杷葉汁飲之 嘔而腸鳴心下痞者  
半夏瀉心湯主之 氣嘔吐胸滿膈脹關格不通不食常飽食則常  
氣逆而吐此因盛怒中飲食而然宜二陳湯加枳實木香各半錢或  
吳茱萸湯不効則丁沉透膈湯及五膈寬中湯 食嘔吐多因七情  
而得有外感和氣併飲食不節而生大槩治以理中爲先二陳湯加  
枳實一錢或加南星七分沉香木香各四分亦好或只服枳南湯或  
導痰湯 又有中脘伏痰遇冷卽發俗謂之冷癰或服新法半夏湯  
或枳脾湯 有痰飲粥藥到咽卽吐人皆謂其畚胃非也此乃痰氣  
結在咽膈之間宜先以薑蘇湯下鹽砂丹俟藥可進則以順氣之藥  
繼之 外有吐瀉及痢疾或腹冷痛進熱藥太驟以致嘔逆宜二陳  
湯加砂仁白荳蔻各半錢沉香少許 嘔吐諸藥不効當借鎮重之  
藥以墜其逆氣宜薑蘇湯下鹽砂丹百粒俟藥得止却以養正丹半



疏孔導之嘔吐津液既去其口必渴不可因渴而遽以爲熱 若陰  
虛邪氣逆上窒塞嘔噦不足之病此地道不通也正當用生地黄當  
歸桃仁紅花之類和血涼血潤血兼用甘草以補其氣微加大黃芒  
硝以通其閉大便和邪氣去則氣逆嘔噦自不見矣 復有胸中虛  
熱穀氣久虛發而爲嘔噦者但得五穀之陰以和之則嘔噦自止  
漏氣 身背皆熱時臂牽痛其氣不續膈間厭悶食入則先嘔而後  
下名曰漏氣此因上焦傷風閉其腠理經氣失道邪氣內着麥門冬  
湯主之

走哺 下焦實熱大小便不通氣逆不續嘔逆不禁名曰走哺人參  
湯主之

吐食 上焦氣熱上衝食已暴吐脉浮而洪宜先降氣和中以桔梗  
湯調水香散二錢隔夜空腹服之三服後氣漸下吐漸去然後去木  
香散加芍藥二兩黃芪一兩半同煎服之病愈則止如大府燥結食

不盡下以大承氣湯去芒硝微下之少利爲度再服前藥補之如大  
便復結又依前微下之 保命集用荆黃湯調檳榔散 中焦吐食  
由食積與寒氣相格故吐而疼宜服紫沉丸 金匱大黃甘草湯治  
食已卽吐又治吐水 吐食而脈弦者由肝勝于脾而吐乃出脾胃  
之虛宜治風安胃金花丸青鎮丸主之 金匱茯苓澤瀉湯治胃反  
吐而渴欲飲水者

乾嘔 金匱方乾嘔噦若手足厥者陳皮湯主之 卒乾嘔不息取  
甘蔗汁溫服半升日三或入生薑汁 搗葛根絞取汁服

惡心 惡心乾嘔欲吐不吐心下映漾人如異船宜大半夏湯或小  
半夏茯苓湯或理中湯治中湯皆可用 金匱方病人胸中似喘不  
喘似嘔不嘔似噦不噦徹心中憤憤然無奈者生薑半夏湯主之

胃氣虛弱身重有痰惡心欲吐是邪氣羈絆于脾胃之間當先實其  
脾胃茯苓半夏湯主之 舊有風證不敢見風眼澀眼黑胸中有痰

惡心兀兀欲吐但遇風覺皮肉繫手足難舉動重如石若在暖室少  
出微汗其證隨減再遇風病復如是柴胡生夏湯主之 仲景云病  
人欲吐者不可下之又用大黃甘草治食已卽吐何也曰欲吐者其  
病在上因而越之可也而逆之使下則必抑塞憤亂而益以甚故禁  
之若旣已吐矣吐而不已有升無降則當逆而折之引令下行無速  
于大黃者也故不禁也兵法曰避其銳擊其惰此之謂也丹溪沉之  
而曰凡病嘔吐切不可下固矣夫

嘔苦 經云善嘔嘔有苦長太息和在膽逆在胃膽液泄則口苦胃  
氣逆則嘔苦故曰嘔取膽三里以下胃氣逆則刺少陽經絡以開膽  
逆却調虛實以去其邪又云口苦嘔宿汁取陽陵泉爲胃主嘔而膽  
汁苦故獨取膽與胃也 陽明在泉燥淫所勝病善嘔嘔有苦又云

陽明之勝嘔苦治以苦溫辛溫是運氣嘔苦皆屬燥也

吐酸

石酸 東垣曰病機云治嘔吐酸皆屬于熱辨云此上焦受外



來客邪也胃氣不受外邪故嘔傷寒論云嘔家雖有陽明證不可攻之是未傳入裏三陰不受邪也亦可見此症在外也仲景以生薑半夏治之孫真人云嘔家多用生薑是嘔家聖藥以雜病論之嘔吐酸水者甚則酸水浸其心不任其苦其次則吐出酸水令上下牙酸澀不能相對以大辛熱劑療之必減吐酸嘔出酸水也酸味者收氣也西方肺金旺也寒水乃金之子子能令母實故用大酖熱之劑瀉其子以辛熱爲之佐以瀉肺之實以病機之法作熱攻之者誤矣蓋雜病醋心濁氣不降欲爲中滿寒藥豈能治之乎丹溪曰或問吞酸素問明以爲熱東垣又以爲寒何也曰吐酸與吞酸不同吐酸似吐出酸水如醋平時津液隨上升之氣鬱而成積成積既久濕中生熱故從木化遂作酸味非熱而何其有鬱積之久不能自通而出伏于肺胃之間咯不得上燕不得下肌表得風寒則內熱愈鬱而酸味刺心肌表溫暖腠理開發或得香熱湯丸津液得行亦可暫解非寒而

何素問言熱者言其本也東垣言寒者言其末也但東垣不言外得風寒而作收氣立說欲瀉肺金之實又謂寒藥不可治酸而用安胃湯加減二陳湯俱犯丁香且無治熱濕鬱積之法爲未合經意予嘗治吞酸用黃蓮萊菔各製炒隨時令迭爲佐使蒼朮茯苓爲輔湯浸蒸餅爲小丸吞之仍教以糲食蔬果自養則病易安中脘有飲則嘈有宿食則酸故常噉宿腐氣逆噉酸水亦有每晨吐清酸水數口日間無事者亦有膈間常如酸折皆飲食傷于中脘所致生料平胃散加神麴麥芽各一錢或八味平胃散有熱則咽醋丸膈間停飲積久必吐酸水神朮丸酒癖停飲吐酸水乾薑丸風痰眩冒頭痛惡心吐酸水半夏南星白附生爲末滴水丸桐子大以生麪爲衣陰乾每服十丸至二十丸薑湯送下參黃丸可治吞酸亦可治自利酸心用檳榔四兩陳皮二兩末之空心生蜜湯下方寸匕

嘔清水

經云太陰之復嘔而密默唾吐清液治以甘熱是嘔水屬

溫一味蒼朮丸主之

金匱方心胸中有停痰宿水自吐出水後心

胸間虛氣滿不能食茯苓飲主之能消痰氣令能食 又云渴欲飲

水水入則吐者名曰水逆五苓散主之 千金方治痰飲水吐無時

節者其原因冷飲過度遂令脾胃氣羸不能消于飲食飲食入胃則

皆變成冷水反吐不停皆赤石脂散主之赤石脂搗篩服方寸七酒

飲時稍加至三七服盡一斤終身不吐痰水又不利

吐涎沫

金匱方乾嘔吐逆吐涎沫半夏乾薑散主之半夏乾薑各

等分杵爲散取方寸七漿水一升半煎至七合頓服之 乾嘔吐涎

沫頭痛者吳茱萸湯主之

婦人吐涎沫醫反下之心下卽痞當先

治其吐涎沫小青龍湯主之涎沫止乃治痞瀉心湯主之

嘔膿

仲景云嘔家雖有癰膿不可治嘔膿盡自愈仁齋直指以地

黃丸湯主之

嘔蟲

仲景以吐虵爲胃中冷之故則成虵厥宜理中湯加炒川椒



五粒檳榔半錢吞烏梅丸 胃欬之狀欬而嘔嘔甚則長蟲出亦用

烏梅丸取胃三里 有嘔吐諸藥不止別無他證乃虵在胸膈作嘔

見藥則動動則不納藥藥出而虵不出雖非吐虵之比亦宜用吐虵

藥或于治嘔藥中入炒川椒十粒蛔見椒則頭伏故也

診 形狀如新卧起 陽緊陰數其人食已即吐陽浮而數亦為吐

或浮大皆陽偏勝陰不能配 寸緊尺濇其人胸滿不能食而吐之也為格主吐逆無陰和之

寸口脉數其人則吐 寸口脉細而數數則為熱細則為寒數為嘔

吐 金匱問數為熱當消穀引食而反吐者何也曰以發其汗令陽

微腸氣虛脉乃數數為客熱不能消穀胃中虛冷故吐也 跌陽脉

微而濇微則不利濇則不得入或浮而濇浮則虛虛傷脾脾傷則不磨朝食暮吐名反胃寸口脉微

而數微則血虛血中寒脉緊而濇者難治 關上脉浮大風在胃中心下

澹澹食欲嘔 關上脉微浮積熱在胃中嘔吐虵蟲 關上脉緊而

滑者虵動 脉緊而滑者吐逆 脉小弱而濇胃反 浮而洪為氣